

Škooulrääh kuultummuš 25.8.2021

Staansõs škooul

Staanvuõtt tåddai nõkmen, ko perstet. Lij nõkam toobd, što ton leäk Miårkteei. Määng ää'sš jie tobddu staan'jen õhttu. Keeu'summuš ij tobddu staan'jen. Čårstummuš ij tobddu staan'jen. Mee'st juõ'kkkast õõlgci smiõttåd, mä'htt mij ää'nep oummid, mä'htt mij mainstep oummid da mä'htt tuejjeep staansõs škooul. Staansõs škooul šâdd oummid, saa'nin da tuâjain. Puki taaurõš ij taarbâž lee'd, leäša juõ'kkka priimm'mõš nõkmen ko lij, lij vääžnai. Mee'st pukin lij tääi'ben seämma jiännai miårktõs. Ij ni kii leäkku hue'nab le'be pue'rab ooumaž ko ton, leä'p seämmaverddsa puk nu'tt, što mõõn diõtt jeä'p jälstõõdče, mainste'če da tuejje'če tõi mie'ldd. Nu'tt, što pukin le'čci pue'rr lee'd.

Juõ'kkkaž mee'st lij tääi'ben jee'resnallšem. Jee'resnallšemvuõtt lij jõnn vue'ss jie'llmest da tõi ålgg mättjed jie'lled. Ni keän ij õõlgče kue'dded õhttu jee'resnallšemvuõd diõtt. Ålggkõrr ij leäkku mäinn oummi nuu'bnallšem äännmõ'sše, mij leä'p puk oummu. Oummu jie õõlgče tobddåd čårstum jee'resnallšemvuõd diõtt. Oummu viårte kuõi'meez ouddkåddmõõžžeez diõtt jå'ttlõnji. Måid jõs tobdstõõdškuådčim oummid ouddkåddmõõžžitää?